



**DEPARTAMENTI I EPIDEMIOLOGJISË DHE KONTROLLIT TË
SËMUNDJEVE INFEKTIVE**

**BULETINI MUJOR I
SËMUNDSHMËRISË
INFEKTIVE
(Pasqyra 14 Sh)**

GUSHT, 2024

Buletini Mujor i Sëmundshmërisë Infektive publikohet çdo muaj nga “Sektori i Survejancës dhe Shërbimi i Inteligjencës Epidemike”, Instituti i Shëndetit Publik (ISHP). Ky Buletin Mujor bazohet në të dhënat e Sistemit Madhor të Bazuar në Sëmundje (SMBS), të raportuara përmes Pasqyrës Mujore 14 Sh dhe Sistemit të Informacionit të Sëmundjeve Infektive (SISI). Ai plotësohet në Pasqyrë në formatin EXCEL, dhe dërgohet me postë elektronike dhe me postë zyrtare, brenda datës 10 të çdo muaji, në Departamentin e Epidemiologjisë dhe Kontrollit të Sëmundjeve Infektive (DEKSI), Instituti i Shëndetit Publik. Të dhënat e agreguara të Pasqyrës 14 Sh dhe të dhënat individuale të raportuara në SISI për muajin gusht 2024 janë të dhënat e raportuara nga Njësitë Vendore të Kujdesit Shëndetësor (NJVKSH). Të dhënat e pasqyrës 14 Sh dhe të dhënat e raportuara në SISI krahasohen nga DEKSI, dhe plotësohen edhe me të dhënat e laboratorëve të referencës në ISHP.

1. Sëmundjet diarreike

Sëmundjet diarreike, gjatë muajit gusht 2024 zënë 52.9 % të totalit të sëmundjeve infektive të raportuara me anë të Pasqyrës 14 Sh, dhe paraqesin një incidencë 525.1/100.000 banorë. Gastro-enteritet e paspecifikuara janë të shpërndara në të gjitha bashkitë e vendit dhe zënë peshën kryesore në grupin e sëmundjeve diarreike. Ndërkohë që, në nivel kombëtar helmimet ushqimore paraqesin një incidencë 5.7/100.000 banorë. NJVKSH Berat, Kukës dhe Bulqizë mbajnë peshën kryesore në raportimin e helmimeve ushqimore. Duhet theksuar që, numri i lartë i rasteve të raportuara me helmime ushqimore dhe gastro-enterite është i lidhur me pamundësinë në nivelin e disa bashkive për diagnozën e saktë klinike dhe konfirmimin e saj me diagnozën laboratorike mikrobiologjike. NJVKSH Shkodër mban peshën kryesore të incidencës së Salmonelozës dhe Shigelozës për muajin gusht 2024 në nivel kombëtar.

Tabela 1: Frekuencat dhe incidenat e sëmundjeve diarreike për muajin gusht 2024 (Incidenca raste/100.000 banorë)


	Raste gusht 2024	Incidenca gusht 2024 (raste/100.000 banorë)
Tifo abdominale + Paratifo	3	0.1
Salmoneloza	18	0.6
Shigelozë (Disenteri bacilare)	6	0.2
Dizenteri amebike	0	0.00
Toksiko-infeksione alimentare	164	5.7
Gastro-enterite (etiologji e panjohur)	14839	518.4
Sëmundje diarreike në total	15030	525.1

2. Sëmundjet që parandalohen nga vaksina

2.1 Variçela

Në raportimin mujor të sëmundshmërisë infektive gjatë muajit gusht 2024 janë raportuar në total 16 raste variçelë (incidenca 0.56/ 100.000 banorë) nga të cilat, 10 raste janë të dyshuara dhe 6 të konfirmuara klinikisht, bazuar kjo në përkufizimin e rastit për sëmundjen varicelë. Numri më i madh i rasteve është raportuar nga NJVKSH Tiranë me 6 raste. Numri më i lartë i rasteve i përket grup-moshës 1-4 vjeç me 11 raste, grafiku 1.


Grafiku 1. Shpërndarja e rasteve sipas grup-moshës, gusht 2024



2.2 Fruthi

Gjatë muajit gusht janë raportuar 11 raste si të dyshuar me fruth nga të cilat janë konfirmuar 2 raste, (18%) raste nga ana laboratorike. Incidenca e sëmundjes për muajin qershor është 0.07 raste/100 000 banorë.

Grafiku 2. Shpërndarja e rasteve të konfirmuara me fruth dhe incidenca sipas muajve 2024



Vërehet një trend në rënie në muajin e fundit, gusht të vitit 2024.


Rastet e konfirmuara janë banorë të bashkisë Tiranë, të moshës 24 vjeç dhe 36 vjeç, të gjinisë femër, të vaksinuara përkatësisht me 2 dhe 1 dozë vaksine FRP. Rastet kanë qenë të shtruara në spital pranë Qendrës Spitalore Universitare “Nënë Tereza”, Spitali infektiv.

3. Hepatitet virale

Hepatit viral B (HBV)

Në muajin gusht janë raportuar 3 raste të konfirmuar me HBV. Incidenca e HBV-së në muajin gusht është 0.1 raste/100 000 banorë në vend.

Grafiku 3. Numri i rasteve të reja me HBV dhe incidenca (raste/100 000 banorë) sipas muajve




Rastet në muajin gusht i përkasin grup-moshës adulte nga 31-55 vjeç, të gjinisë mashkullore, janë banorë nga bashkia Lushnjë (1) dhe Bulqizë (2), dhe kanë shfaqur shenja klinike të HBV.

Hepatiti viral C (HCV)

Në muajin gusht është raportuar një rast i konfirmuar me HCV. Rasti i përket bashkisë Lushnje, i moshës 40 vjeç, ka shfaqur shenja klinike të HCV.

Grafiku 4. Numri i rasteve të reja me HCV dhe incidenca (raste/100 000 banorë) sipas muajve



4. Tuberkulozi pulmonar dhe ekstrapulmonar

Gjatë muajit gusht 2024 janë raportuar gjithsej 19 raste me turbekuloz (TB), prej të cilave 16 raste janë pulmonar dhe 3 raste ekstrapulmonar.

Rastet e raportuara me TB pulmonar janë të konfirmuara dhe me sputum pozitiv. 1 prej tyre është recidiv.

Rastet pulmonare përkatësisht janë: 7 në Tiranë, 1 në Lushnje, 1 në Lezhë, 2 në Korçë, 3 në Durrës, 1 në Dibër dhe 1 në Bulqizë.

Rastet ekstrapulmonare përkatësisht janë: 1 në Tiranë, 1 në Korçë dhe 1 në Sarandë.

Konfirmimet e tyre janë kryer në Laboratorin e Referencës të rekomanduara nga dispanseria e rrethit përkatës. Për të gjitha rastet janë lajmëruar dispanseritë përkatëse për të komunikuar me familjarët e tyre, si dhe për të kryer kontrollin në vatër bazuar në të gjitha ekzaminimet për depistimin e tyre. Pothuajse të gjithë pacientët kanë filluar mjekimin sipas skemës përkatëse. Siç vihet re dhe nga shpërndarja e rasteve, ato me TB janë të fokusuara kryesisht në Tiranë me numër më të madh.

5. Sëmundjet zoonotike

Tabela 2: Shpërndarja e zoonozave në muajin gusht 2024, numri total i rasteve dhe incidenca (Antraks, Brucelozë, Leptospirozë, Rikeciziozë)

	Gusht (raste 2024)	Incidenca (raste/100,000) 2024
Antraks (Plasje)	1	0.03
Brucelozë	9	0.31
Leptospirozë	4	0.14


Për muajin gusht janë raportuar 9 raste Brucelozë përkatësisht: 2 nga Gjirokastra, 2 në Dibër, 2 në Sarandë, 2 në Kukës dhe 1 në Kolonjë. Gjithashtu, është raportuar edhe 1 rast Antraks nga Tepelena. Për muajin gusht janë raportuar edhe 4 raste të konfirmuar me Leptospirozë përkatësisht: 2 nga Berati, 1 nga Kurbini dhe një nga Klosi.

6. Sëmundje infektive me transmetim përmes ajrit

7.1 COVID-19


Gjatë muajit gusht 2024 janë raportuar në Sistemin e Informacionit të Sëmundjeve Infektive 763 raste të konfirmuara me COVID-19 dhe incidenca e kësaj sëmundjeje për muajin gusht është 26.6 raste /100000 banorë.

Grafiku 7. Shpërndarja e incidencës sipas grup-moshave



Grup-mosha më e prekur për këtë muaj është grup-mosha 65-74 vjeç me incidencë 71.69 raste për 100000 banorë e ndjekur nga grup-mosha 75+ vjeç me incidencë 60.19 raste për 100000 banorë. Gjatë këtij muaji vërehet një rritje e incidencës në grup-moshën 0-4 vjeç.

Grafiku 8. Shpërndarja e incidencës sipas bashkive



Bashkitë me incidencë më të lartë janë, Gjirokaster, Delvinë, Tepelenë etj.

Gjatë muajit gusht 2024 janë raportuar 132 raste të shtruara në spital dhe 4 raste vdekje. Konfirmimi i rasteve është bërë në 13.7% (105 raste) në ISHP dhe 86.3% (658 raste) janë konfirmuar në laboratorët e NJVKSH-ve.

7.2 Grip

Gjatë muajit gusht nuk janë raportuar në Sistemin e Informacionit të Sëmundjeve Infektive raste të konfirmuara me grip.

7. Sëmundje të tjera

8.1 Infeksioni nga virusi i Nilit Perëndimor (WNV)

Infeksioni nga virusi i Nilit Perëndimor (WNV)

Gjatë muajit gusht në vendin tonë janë konfirmuar pranë Laboratorit të Virologjisë në ISHP 53 raste me WNV.

Vërehet se numri më i lartë i rasteve i përket bashkisë Lushnjë, Tiranë dhe Vlorë (13.2%).

Rastet i përkasin të gjitha moshës mbi 60 vjeç, kryesisht gjinisë mashkull, janë të shtruar në spital ku kanë paraqitur shenja të encefalitit apo meningoencefalitit.

Nga ana e ISHP-së në bashkëpunim me NJVKSH dhe bashkitë përkatëse janë marrë masat e nevojshme për ndërprerjen e transmetimit të sëmundjes.

8.3 Leshmanioza Viscerale

Për muajin gusht 2024 është raportuar 1 rast i konfirmuar në laborator privat me Leshmaniozë Viscerale nga Lezha.

DEKSI